

اتوار 21 جنوری، 2024

مضمون - حیاتی

سنہری متن: 2 سیموئیل 22 باب 33 آیت

”رب میرا مضبوط قلعہ اے۔ اوہ اپنی راہ وچ کامل بندے دی راہنمائی کردا اے۔“

زبور 18:1، 2، 6، 17، 20، 21، 29، 32 آیتاں

جو ابی پڑھائی:

زبور 19:14 آیت

1- اے خداوند! اے میری قوت! میں تیرے نال بیار رکھداواں۔

2- خداوند میری چٹان تے میرا قلعہ تے مینوں چھڑاؤن والا اے۔ میرا رب۔ میری چٹان جیدے اُتے میں بھروسہ رکھاں
گا۔ میری سپر تے میری مکتی داسنگ۔ میرا اچا برج۔6- اپنی مصیبت وچ میں اپنے خداوند نوں پکاریا تے اپنے رب اگے فریاد کیتی۔ اوہنے اپنی ہیکل وچوں میری آواز سنی تے میری
فریاد جیہڑی اوہدے اگے سی اوہدے کن وچ اٹری۔17- اوہنے میرے زور والے ویری تے میرے نال ویر رکھن والیاں توں مینوں چھڑالیا کیوں جے اوہ میرے لئی بوہت
زبردست سی۔

- 20- خداوند نے میری نیکی دے مطابق مینوں جزا دتی تے میرے ہتھاں دی صفائی دے مطابق مینوں بدلہ دتا۔
- 21- کیوں جے میں خداوند دیاں راہواں اُتے اُتر دارہیا۔ تے شرارت کر کے اپنے رب توں دکھ نہ ہونیا۔
- 29- کیوں جے تیرے پاروں میں فوج اُتے دھاوا کرداواں تے اپنے رب دے پاروں کندھ وی ٹپ جاناواں۔
- 32- رب ای مینوں قوت نال کمر بستہ کرداے تے میری راہ کامل کرداے۔
- 14- میرے مونہہ دا کلام تے میرے دل دا خیال تیرے نیسٹے مقبول ٹھہرے۔ اے خداوند! اے میرے چٹان تے اے میرے فدیہ دین والے۔

درسی وعظ

بائبل وچوں

1- زبور 1:27، 3:5، 14 آیتاں

- 1- خداوند میری لوتے میری مکتی اے۔ مینوں کیدا ڈر؟ خداوند میری حیاتی دا پشتہ اے۔ مینوں کیدا خوف؟
- 3- بھانویں میرے خلاف لشکر خیمہ زن ہون میرے خلاف جنگ لگے فیروی میں خاطر جمع رکھاں گا۔
- 4- میں رب کولوں اک درخواست کیتی اے۔ میں اوہدا ای طالب رہواں گا میں ساری عمر خداوند دے گھر وچ رہواں گا تاں جو خداوند دے جلال نوں ویکھاں تے اوہدی ہیکل وچ استفسار کریا کراں۔

5- کیوں بے مصیبت دے دن اوہ مینوں اپنے شامیانے وچ لکو کے رکھے گا اوہ مینوں اپنے خیمے دے پردے وچ لکا لوے گا۔ اوہ مینوں چٹان اُتے چڑھائے گا۔

14- خداوند دی آس رکھ۔ مضبوط ہوتے تیرا دل قوی ہووے۔ ہاں خداوند ہی دی آس رکھ۔

2- گنتی 13 باب 1، 2، (توں:)، 17، 18، 25، 26، (توں پہلی)، 27، 28، 32، 33 آیتاں

1- تے خداوند نے موسیٰ نوں آکھیا پئی

2- توں بندیاں نوں گھل پئی اوس دیس دا جیہڑا میں اسرائیلی قوم نوں دینا واں حال پتا کرن۔

17- تے موسیٰ نے اوہناں نوں گھلپائی اور کنعان دیس دا حال پتا کرن تے اوہناں نوں آکھیا پئی تسی او دھر جنوب ول جا کے پہاڑاں وچ ٹر جانا۔

18- تے ویکھنا پئی اوہ دیس کیسا اے تے اوہ لو کی جیہڑے او تھے و سدے نیں کیہو جئے نیں تگلڑے نیں یا ماڑے نیں، تھوڑے نیں یا بوہتے نیں۔

25- تے چالی دنوں بعد اوہ اوس دیس دا حال پتا کر کے پرتے۔

26- تے اوہ ٹرے تے موسیٰ دے کول آئے۔

27- تے موسیٰ نوں آکھن لگے پئی جیہیں دیس وچ توں ساہنوں گھلپاسی اسی او تھے گئے سی تے سچ او تھے شہد تے دُھ وگدا اے تے ایہہ او تھے دا پھل اے۔

28- پر اوہ لو کی جیہڑے او تھے و سدے نیں اوہ تگلڑے نیں تے اوہناں دے شہر وڈھے وڈھے تے فصیل دار نیں تے اسی بنی عناق نوں وی او تھے ویکھیا۔

32- تے اوہناں بندیاں نے اسرائیلی قوم نوں جنہوں دیکھن اوہ اوہ تھے گئے سی بھیری خبر دتی تے آکھیا پئی اوہ دیس جیداحال پتا کرن لئی اسی اوہدے وچوں لنگے سی اک اجیہا دیس اے جیہڑا اپنے رہن والیاں نوں کھا جاندا اے تے اسی جسے بندے اوہ تھے دیکھے اوہ وڈھے قد والے سی۔

33- تے اسی بنی عناق نوں وی دیکھیا جیہڑے جبار نیں تے جباراں دی پیڑی وچوں نیں تے اسی اپنی نظر وچ ای اتیخ سی جیویں ٹڈے ہندے نیں تے اتیخ ای اوہناں دی نظر وچ وی سی۔

3- کنٹی 14 باب 6 توں 9، 26، 27، 30 آیتاں

6- تے نون داپتریشوع تے یفسہ داپتر کالب جیہڑے اوس دیس داحال پتا کرن والیاں وچوں سی اپنے اپنے کپڑے پھاڑ کے:

7- بنی اسرائیل دی ساری جماعت نوں آکھن لگے پئی اوہ دیس جیداحال پتا کرن نوں اسی اوہدے وچوں لنگے بوہت چنگا دیس اے۔

8- جے رب ساتھوں راضی رہو وے تے اوہ ساہنوں اوس دیس وچ اپڑائے گاتے اوہ ای دیس جیدے وچ شہد تے دُده وگدا اے ساہنوں دیوے گا۔

9- بس ایہہ ہو وے پئی تسی خداوند توں بغاوت نہ کرو تے نہ اوس دیس دے لوکاں توں ڈرو اوہ تے ساڈی خوراک نیں اوہناں دی پناہ اوہناں دے سروں جاندی رہی اے تے ساڈے نال رب اے ایس لئی اوہناں توں نہ ڈرو۔

26- تے خداوند نے موسیٰ تے ہارون نوں آکھیا۔

27- میں کدوں تیکر ایس خبیث گروہ نوں جیہڑا میری شکایت کردا اے برداشت کراں؟ بنی اسرائیل جیہڑے خلاف شکایتاں کردے رہندے نیں میں اوہناں دیاں ساریاں شکایتاں سنیاں نیں۔

30۔ اوہناں وچوں کوئی اوس دیس وچ جیدے بارے میں قسم کھادی سی پئی تہانوں اتھے وسانواں گا جانہ سکے گا
سوائے بے فنہ دے پتر کالب تے نون دے پتریشوع توں۔

4۔ استثنا 31 باب 1 توں 3 (توں دو جی)، 3 (تے یثوع)، 6 توں 8 آیتاں

- 1۔ تے موسیٰ نے جا کے ایہہ ساریاں گلاں سارے اسرائیلیاں نون سنائیاں۔
- 2۔ تے اوہناں نون آکھیا پئی میں راج دے دن اک سووی ورھیاں داواں۔ میں ٹر پھر نئیں سکدا تے خداوند نے مینوں
آکھیا اے پئی توں اوس یردن دے پار نئیں جانویں گا۔
- 3۔ ایس لئی خداوند تیر ارب ای تیرے اگے اگے پار جاوے گا،۔۔۔ تے جیویں خداوند نے آکھیا اے پئی یثوع
تیرے اگے اگے پار جاوے گا۔
- 6۔ توں مضبوط ہو جاتے حوصلہ کر۔ ڈرنہ تے نہ اوہناں دا خوف کھا کیوں جے خداوند تیر ارب آپ ای تیرے نال جاندا
اے۔ اوہ تیتھوں درست بردار نئیں ہووے گا تے نہ تینوں چھڈے گا۔
- 7۔ فیر موسیٰ نے یثوع نون بلا کے سارے اسرائیلیاں دے سامنے اوہنوں آکھیا پئی توں مضبوط ہو جاتے حوصلہ کر
کیوں جے توں ایس قوم دے نال اوس دیس وچ جانویں گا جنہوں خداوند نے اوہناں دے پودا دے نال قسم کھا کے
دین دا آکھیا سی تے توں اوہناں نون اوہدا وارث بنانویں گا۔
- 8۔ تے خداوند ای تیرے اگے اگے چلے گا۔ اوہ تیرے نال رہوے گا۔ اوہ تیتھوں دست بردار نہ ہووے گا تے نہ
تینوں چھڈے گا ایس لئی توں خوف نہ کرتے بے دل نہ ہو۔

5۔ یثوع 3 باب 7 آیت

7- تے خداوند نے یثوع نوں آکھیاں ج دے دن توں میں تینوں سارے اسرائیلیاں دے سامنے سرفراز کرنا شروع کراں گا تاں جو اوہ جان لین پئی جیویں میں موسیٰ دے نال رہیا اونج ای تیرے نال رہواں گا۔

6- یسعیاہ 40 باب 28 توں 31 آیتاں

28- کیہ تُوں نئیں جان دا؟ کیہ تُوں نئیں سنیا پئی خداوند خدائے ابدی تے ساری دھرتی دا خالق تھکد انئیں تے ماندہ نئیں ہندا اوہدی حکمت سمجھ تُوں باہر اے۔

29- اوہ تھکے ہوئے نوں زور بختند اے تے ماڑے دی طاقت نوں بوہتا کر دا اے۔

30- نو جوان وی تھک جان گے تے ماندہ ہوون گے تے سورما بالکل ڈگ پین گے۔

31- پر خداوند دی اڈیک کرن والے نویں سرے توں زور حاصل کرن گے۔ اوہ عقاباں وانگر والاں تے پراں نال اڈن گے تے دوڑن گے تے نہ تھکن گے۔ اوہ چلن گے تے ماندہ نہ ہوون گے۔

7- 1 پطرس 5 باب 6 توں 9 (توں)، 10 آیتاں

6- ایس لئی رب دے بھارے ہتھ بیٹھاں فرو تنی نال رہو و تاں جو اوہ تہانوں ویلے سراچا کرے:

7- تے اپنی ساری فکر اوہدے اُتے ای سٹ دیو کیوں جے اوہنوں تہاڈا خیال اے۔

8- تسی ہوشیار تے جاگدے رہو۔ تہاڈا ویری ابلیس گجن والے شیر ببر وانگر لچھدا پھر دا اے پئی کنہوں پھاڑکے کھاوے۔

9۔ ایمان وچ مضبوط رہو۔

10۔ ہن رب جیہڑا ہر طراں دے فضل دا چشمہ اے جسے تہانوں مسیح وچ اپنے ابدی جلال لئی بلا یا تہاڈے تھوڑے چر تیکر دکھ سہن دے بعدوں آپ ای تہانوں کامل تے قائم تے مضبوط کرے گا۔

8۔ یسعیاہ 30 باب 15 (توں): آیت

15۔ کیوں جے رب یہوواہ اسرائیل دا قدوس اینج آکھدا اے پئی پرت کے آؤن تے چپ رہن وچ تہاڈی سلامتی اے۔ چپ تے توکل وچ تہاڈی قوت اے۔

سائنس تے صحت

1۔ 32:203 (رب کلاہ)

رب کلاہ ای انسان دی حیاتی ہے۔

2۔ 25:228 (بس)

رب توں دکھ کوئی طاقت نہیں اے۔

3- 25-16:183

فرضی قانون جنساں دا نتیجہ مایوسی تے بیماری نکلدا اے اوہدے قانون نہیں، کیوں جے سچیائی دا کلا جائز تے ممکن عمل ہم آہنگی دی ای پیداوار اے۔ فطرت دے قانون روح دے قانون نیں۔ الہی سیان جائز طور تے انسان دی پوری فرمانبرداری، پیار تے طاقت دی مانگ کر دی اے۔ ایہدے توں گھٹ وفاداری لئی کوئی تحفظ نہیں رکھے جاندا۔ سچیائی دی تابعداری انسان نوں طاقت تے قوت عطا کر دی اے۔ غلطی نوں حوالگی طاقت دا گھٹا پین نوں ودھا دیندی اے۔

4- 16-9:262

اسی فانی عقیدے دیاں کھائیاں وچ غوطہ کھان نال رب دی تخلیق دے معیار تے فطرت نوں نہیں ناپ سکدے۔ ساہنوں مادے وچ سچیائی تے حیاتی نوں لبھن لئی ساڈے کمزور اضطراب نوں پلٹنا چاہیدا اے، تے مادی حواس دی شہادت توں اچھا، فانی خیال توں رب دے لافانی خیال تیکر اچھا ٹھننا چاہیدا اے۔ ایہہ واضح تر تے اچھے خیال رب دے بندے نوں اپنی ہستی دے احاطے تے مکمل مرکز تیکر اپڑن لئی حوصلہ افزائی دیندے نیں۔

5- 31-17:192

اخلاقی تے روحانی شاید روح نال تعلق رکھدے نیں، جیہڑا ”ہوانوں مٹھی“ وچ اکٹھا کر لیندا اے؛ تے ایہہ تعلیم سائنس تے ہم آہنگی دے نال اک ہندی اے۔ سائنس وچ، رب دے خلاف تسی کوئی طاقت نہیں رکھ سکدے، تے

جسمانی احساساں نوں اوہناں دی جھوٹی گواہی توں پچھاں ہٹنا پند اے۔ چنگیائی لئی تہاڈی پہنچ دا انحصار ایس وزن اُتے اے جیہڑا تسی ٹھیک سکیل اُتے پاندے او۔ جیہڑی نیکی تسی کردے او تے ظاہری جسم تہاںوں بس حاصل ہوون دے قابل طاقت دیندا اے۔ بریائی کوئی طاقت نئیں اے۔ ایہہ طاقت دامدق اے جیہڑا چھیتی نال ای اپنی کمزوری نوں دھوکہ دیندا اے تے فیر کدی نہ اٹھن لئی بیٹھاں ڈگ جاندا اے۔

الہی مابعد الطبیعات دے فہم وچ اسی اپنے مالک دے نمونے مگر ٹردیاں ہوئے پیارتے سچائی دے پیراں اُتے ٹردے آں۔ مسیحیت اصلی شفا دی نیوں اے۔ بے غرض پیار دے معاملے وچ انسان دی سوچ جو کجھ وی اپناؤندی اے اوہ الہی قوت نوں سدھا حاصل کر لیندی اے۔

6- 193:32-2

میرے اُتے ایہہ ظاہر کیتا گیا اے پئی حیاتی رب اے تے ایہہ پئی قادر مطلق روح دی قوت اپنی طاقت مادے یا انسانی مرضی دے نال نئیں ونددی۔

7- 426:9-11

سچائی لئی کوشش کرنا کسے بندے نوں مضبوط بناؤندا اے نہ کہ ماڑا، آرام دیندا اے نہ کہ تھکاوٹ۔

8- 97:5-7، 21-25

اصلیت وچ، جنسی بوہتی قربت دے نال غلطی سچائی دی نقل کر دی اے تے نام نہاد ماد ایس دے جوہر، فانی سیان، نال بوہت مشابہت رکھدا اے اوہنی ای کمزور غلطی اک عقیدے دے طور تے سامنے آؤندی اے۔

وسیع اصلیتاں اپنے آپ دے خلاف وڈھیاں غلطیاں ترتیب دیندیاں نیں، کیوں جے اوہ خفیہ طور تے غلطی نوں لیاؤندیاں نیں۔ سچ بولن لئی ہمت دی لوڑ ہندی اے؛ کیوں جے سچائی جنسی بوہتی اپنی آواز اُچی کر دی اے، غلطی دی سچ اوہنی ای اُچی ہووے گی، جد تیکر پئی فراموشی وچ ایس دی غیر واضح آواز نوں ہمیشہ لئی خاموش نہ کردتا جاوے۔

9 - 18-10:514

اخلاقی حوصلہ ”یہودہ دے قبیلے دا بر“، ذہنی بادشاہت دابادشاہ۔ ایہہ جنگل وچ آزاد تے بغیر ڈردے گمدا اے۔ کھلے میدان وچ ایہہ چپ کر کے میٹھیار ہندا اے یا ”ہریاں چراہگا ہواں وچ۔۔۔ پانی دے چشمیاں کول“ ایہہ آرام کردا اے۔ الی فراست توں انسانی تشبیہی ترسیل وچ، جانفشانی، چالاکی تے ثابت قدمی ”ہزاراں پہاڑاں دے چوپائیاں“ وانگر سمجھے جاندا اے نیں۔ اوہ پکا حل ہوون والا سامان لیندے نیں تے وڈھے مقصد اں لئی رفتار و دھاؤندے نیں۔

10 - 6-32:28

معاشرے وچ جانوراں والی حوصلہ افزائی بوہت اے تے اخلاقی حوصلہ افزائی نیں اے۔ مسیحیاں نوں گھر وچ تے باہر غلط شے دے خلاف ہتھ چکھنے چاہیدے نیں۔ اوہناں نوں اپنے تے دو جیاں دے پاپاں دے خلاف محاذ کھولنا چاہیدا

اے، تے اپنا مقصد حاصل ہوون تیکر ایہہ جنگ جاری رکھنی چاہیدی اے۔ جے اوہ ایمان رکھدے نیں تے اوہناں نوں خوشی دا تاج ملے گا۔

11- 10-5:417

بیمار نوں ایہہ کدی نہ دسو پئی اوہناں وچ طاقت توں بوہتا حوصلہ اے۔ ایہدی بجائے اوہناں نوں دسو، پئی اوہناں دی طاقت اوہناں دے حوصلے دے حساب نال اے۔ جے تسی بیمار نوں ایس وڈھی سیاحت دا احساس دواندے او، تے بوہتی مشقت دی یا جوش والیاں حالتاں ولوں کوئی ردِ عمل نیں آوے گا۔

12- 16-8،6-3:455

خود دی ملامت تے جرم دے احساس دی ذہنی حالت یا سچیائی اُتے اک ڈانواں ڈول تے شکی قسم دا بھروسہ بیمار دی شفا لئی غیر مناسب حالتاں نیں۔ اجیہاں ذہنی حالتاں صحت دی بجائے کمزوری ول اشارہ کردیاں نیں۔۔۔ غلطی دیاں چھلاں اُتے ٹرن تے اظہار دے راہیں اپنے دعویاں دی حمایت کرن لئی تہانوں سیان دی ہوور طاقت نوں ورتناں چاہیدا اے۔ جے تسی اپنے آپ نوں بیماری یا پاپ دے ڈرتے عقیدے وچ گوا بیٹھے او، تے جے، تسی علاج جان دیاں ہوئے، اپنے آپ ولوں سیان دیاں تو انانیاں نوں ورتن وچ ناکام ہو گئے او، تے تسی دو جیاں دی مدد لئی بوہت گھٹ پاکسے وی طاقت دی مشق نیں کر سکدے۔ ”اپنی آکھ وچوں تے شہتیر کڈھ فیر ای اپنے بھرا دی آکھ وچوں تینکے نوں چنگی طراں دیکھ کے کڈھ سکیں گا۔“

13- 24-18،12-(جد)8:387

--- جدوں ساہنوں ایہہ احساس ہندا اے پئی فانی سیان ہمیشہ چوکس اے، تے ایہہ روحانی طاقتاں پھکیاں نہیں ہو سکدیاں تے نہ ای ایہہ نال دا ای مادی قانون خدا دیاں دیتاں ہونیاں طاقتاں تے وسیلیاں وچ لت اڑا سکدا اے، اسی سچائی وچ آرام کرن دے قابل آں، فانیت دے خلاف لافانیت دی ضمانت اُتے تازہ دم ہندیاں ہوئے۔

جیہڑا بندہ بوہتی نیکی کردا اے اوہ شدید سزا نہیں پاندا۔ حیاتی دے قانون دی فرمانبرداری نال موت آؤندی اے، تے ایہہ پئی رب نیکی کرن اُتے انسان نوں سزا دیندا اے، پنج دیاں پٹھیاں سوچاں دے بارے مضمون پڑھن دی بجائے ہمیشہ دی وجودیت دیاں اصلیتاں اُتے جے رہن نال کوئی بندہ پیار دی مزدوری دے نتیجے وچ تکلیف نہیں سہہ سکدا، بلکہ اوہ ایہدے پاروں مضبوط ہندا اے۔

14- 5-29:79

سیان دی سائنس تعلیم دیندی اے پئی انسان نوں ”چنگے کم کرن لئی فکر مند ہوون“ دی لوڑ نہیں۔ ایہہ نیک کم کرن دی تھکان نوں ختم کر دیندا اے۔ خیرات دینا ساہنوں ساڈے خالق دی خدمت وچ غریب نہیں بناؤندا، نہ ای ایہنوں روکنا ساہنوں دو لہند بناؤندا اے۔ سچائی دے بارے ساڈی سمجھ دے تناسب وچ ساڈے اندر طاقت اے تے ساڈی طاقت سچائی نوں ظاہر کرن نال گھٹ نہیں ہندی۔ چاہ یا کافی دا اک پیالہ سچائی دے برابر نہیں ہندا، بھانویں اوہ کسے وعظ لئی تلقینی ہووے یا بدنی برداشت لئی مدد ہووے۔

15- 10-6:249

ساڈے لئی حیاتی وچ جدت آؤندی محسوس کر دیاں ہوئے تے کسے فانی یا مادی طاقت نوں بربادی لیاؤن دے قابل نہ سمجھدیاں ہوئے، آؤ روح دی طاقت نوں محسوس کریئے۔ تے آؤ اسی خوش ہوئیے پئی اسی ”ہوون والیاں قوتاں“ دے بیٹھاں آں۔ ہستی دی اصلی سائنس ایچ دی اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔